

ANGUSAKKA - Akullernut ilitsersuut

Ilinniartitsisumut

Ilinniartitsisup atuortoq suleqatigalugu ilikkagassatut anguniagassat atuartitsinermi tunaartarineqartussat ingerlaavartumik aalajanger-sortassavai. Maluginiarneqassaaq alloriarfimi ilikkagassatut anguniagassat tamatigorlu-innangajak anguniakkanut immikkoortunut klassimut tamarmut, eqimattakkaartunut atuartunulluunniit ataasiakkaanut tulluurtunngorlugit aggulunneqartartussaammata. Suleriaassat, periusissat atuartitsissutissatullu qinigassat kiisalu naliliinermi periusissat ilinniartitsisut atuartullu suleqatigiillutik aalianger-sortassavaat.

Naliliineq pillugu nalunaarummi allassimavoq atuartut tamarmik ilinniartitsisutik peqatigalugit minnerpaamik ukiumut marloriarlutik iliussissatut pilersaarusiortassasut. Atuartup ilinniartitsi-suni peqatigalugit pilersaarusi-aminu anguniakkatik ilikkagassatut anguniagassanut tulluarsagaasut allattortassavaat. Atuartup pilersaarusi-ani taanna ilikkagassatut anguniakkanik angusaqarniarnermini ikorfartuutigissavaa. Aammattaaq atuartup pilersaarusi-ani anguniakkanik qanoq angusaqarsimatiginerminut nalilersuinermini sakkugissavaa.

Nalunaarummi aamma allassimavoq atuarfik, atuartup imminut nalilersornera pilersaarusi-aalu aallaavigalugit, atuartup atuartitsissutigineqartuni pissarsiaanik ingerlaavartumik nali-

liisassasooq. Tamatumani siunertaavoq ingerlaavartumik naliliineq atuartitsinerup pilersaarusiortarneqarnerata ingerlateqqinnissaanut tunngavissanik pissarsissutaassasooq aammalu atuartumut taassumalu angajoqqaavinut atuartup atuaqqinnissaa ilinniagaqaaqqinnissaalu pillugit siunnersuinissamat tunngavissiissasooq. Kiisalu ingerlaavartumik naliliineq atuartup atuartitsissutaasuni piginnaassusiinik, suliamigut naammassisaanik atuarfimmilu sulianut qanoq tunniusimatigineranik ilinniartitsisup uppersarsaasiortaneranut tunngavissiissasavaoq.

Ingerlaavartumik naliliineq periarfissarpassuit atorlugit ingerlanneqarsinnaavoq. Assersuutigalugu makkunuunatigut:

- Misilitsissutit, suliaassiissutit, angerlarsimalluni suliaassiissutit, nalunaarusiat, naalisakkat, oqaatsit eqqaamassutissat il.il.
- Isiginnaartitsinerit, saqqummiussinerit, oqalugiarnertit, PowerPointikkut saqqummiussinerit
- Ilusiliat, mindmaps, titartakkat, assitalersuinerit
- Portfolio, logbogit, allattukkat
- Internettimi quppersakkat e-mailillu
- Oqallinnerit, apersueriaatsit
- Videokkut radiukkullu saqqummiussassaliat
- Skiimat apersuinermi immersugassat



Naliliinermi arkit ataasiakkaat

Ark 1: Atuartup imminut nalilersornera Piumasaqaataanngilaq

Titartakkami atuartup ilinniartitsisuni suleqatigalugit atuartitsissutaasuni namminerlu inuttut anguniakkani/ anguniaqqaarumasani allasavai. Atuartup siusinnerusukkut atuarnerni titartakkamik taamaattumik immersuereersimaguni titartakkat taakkua marluk imaat sanniliutissavai immersuiffissallu amigaatini immersorlugit. Titartagaq aamma assigiinngitsutigit atorneqarsinnaavoq; sulianik aaliangersimasunik suliaqalinnginnermi immersorneqarsinnaavoq, atuartitsissutaasussanik ingerlatsinerup nalaani atorneqarsinnaavoq, atuarfiup angerlarsimaffiullu oqaloqatigiilinninnerini immersorneqarsinnaavoq il.il. Taamaalilluni titartagaq ingerlaavartumik naliliinermut ilaalluinnalissaaq. Angajoqqaanut ilisimatitsissutitut titartagaq atuartup angerlaatissavaa.

Ark 2: Ilinniartitsisut immersugassaat Piumasaqaataanngilaq

Atuarfiup angerlarsimaffiullu oqaloqatigiinnissaat sioqqullugu atuaqatigiit ilinniartitsisuisa immersugassaq taanna immersussavaat. Klasselærerip ilassutaasumik oqaaseqaatinik Ark 3-mi allatassanik allataqarnissaanut arkimi uani allattukkat tunngaviussapput. Arkimi ilitsersuut aamma takuuk.

Ark 3: Nalunaarusiaq Piumasaqaataavoq

Atuarfiup angerlarsimaffiullu oqaloqatigiinnissaat sioqqullugu arkit atuartitsissutini ataasiakkaani ilinniartitsisut immersussavaat. Atuartup nalunaarusiaq angusallu angerlaatissavai atsiorneqartussaammata. Nalunaarusiap ataatungaani atuartitsinerup ingerlanneqarnera pillugu paasisutissiinerit allanneqassapput. Malugeqquneqarpoq akunnerit klassimi atu-

artitsiviusut ingerlanneqarsimasut amerlassusaannut vikaritut tiimit aalajangersimasut atuartitsiviusut aamma ilanngunneqartussaammata kisianni vikaritut tiimit aalajangersimangitsut ilanngunneqas-sannngitsut. Immersugassami “Piffissamik ataqqinninneranut taajumasat”-ni atuartup inortuineri allanneqassapput.

Ark 4: Angerlarsimaffimmi immersugassaq Piumasaqaataanngilaq

Arki taanna kiisalu nalunaarusiaq angusallu atuartup angerlaatissavai angajoqqaanilu ilagalugit apeqqutit akiortussallugit. Arki atuarfiup angerlarsimaffiullu oqaloqatigiinnerannut nassarneqassaaq. Arkimi ilitsersuut aamma takuuk.

Ark 5a aamma 5b: Iliuusissatut pilersaarusiaq – Oqaloqatigiissutissat Piumasaqaataavoq

Atuarfiup angerlarsimaffiullu akornanni oqaloqatigiinnerit atuartup iliuusissatut pilersaarusiai aallaavigalugit ingerlanneqartassapput, tassani atuartup ilinniartitsisuni peqatigalugit Ark 5a imaluunniit Ark 5b immersoreersimasavaat, atuartullu nutaanik anguniagassanik imaqartunik. Oqaloqatigiinnermi peqataasut iliuusissatut pilersaarusiap anguneqarnissaanut isumaqatigiissuteqassapput atsioqatigiinnikkut. Arkit assingi atuartup angerlaatissavai. Maluginiaruk arkit marluummata: Iliuusissatut pilersaarusiaq oqaloqatigiis-sutissaq (Ark 5a) kiisalu aappaalu atuartitsissutitut ataasiakkaanut agguataagaq (Ark 5b).

Eqqaamassallugu pingaaruteqarpoq arkit ataasiakkaat nammineq pisariaqartitassinnut tullu-arsarsinnaagassigit. Arkini immersugassani paasisutissat piumasaqaataasut eqqaamaqquneqarput inatsimmi piumasaqaataammata.



Angajoqqaanut

Atuarfimmi naliliisarneq uppernarsaasiortarnerlu pillugit nalunaarummi allaqqavoq atuar-toq ilinniartitsisuni peqatigalugit iliuusissami-nik pilersaarusiortassasoq. Atuartup, angajoq-qaat atuarfiullu peqatigiillutik atuartup qanoq anguniakkani anguneqarsinnaanerannik pilersaarusiortati-giinnissamik isumaqarpoq.

Matumuuna siunertarineqarpoq atuartitsinerup ingerlaqqinnissaata pilersaarusiornissaa, atuar-tup angajoqqaavisalu siunnersorneqarnis-saat atuarnerup qanoq ingerlateqqinnissaanik kiisalu ilinniartitsisut tunngavissiussallugit atuartoq pillugu nalunaarusiassamik ilassutaa-sunillu oqaaseqaasiornissamik.

Taamatut iliuuseqarneq ukiumut marloriarluni atuarfiup angerlarsimaffiullu oqaloqatigiinne-ranni ingerlanneqartassaaq. Atuartup “Ark 1. Atuartup imminut nalilersornera” immersore-ersimassagaa ilimagineqarsinnaavoq. Tassani allassimassapput atuartup piffissami tulliu-ttumi anguniagassamisut aaliangiutai. Taakkua atuartup angerlaatissavai, Ark 3 Nalunaarusi-aq ilanngullugu. Nalunaarusiami klassip ilin-niartitsisuisa atuartup atuarneranik naliliinerat allassimassaaq. Nalunaarusiaq ilinniartitsisut ulluinnarni atuartitsinerminni ingerlaavartu-mik naliliineri aallaavigalugit suliaavoq. In-gerlaavartumik naliliinermi atuartup iliuusis-samisut pilersaarutai atuartullu imminut nali-lersorsimanera tunngavigineqarput.

Immersugassap ataatungaani atuartitsinerup ingerlanneqarnera pillugu paasissutissiissutit takuneqarsinnaapput. Malugeqquneqarpoq a-kunnerit klassimi atuartitsiviusimasutut inger-lanneqarsimasut amerlassusaannut tiimit vika-ritut aalajangersimasumik atuartitsiviusut aamma ilanngunneqarsimammata kisianni vi-karitut tiimit aalajangersimasuunngitsut ilaan-gunneqassanngillat. Immersugassami “Pif-

fissamik ataqqinninneranut taajumasat”-ni atuartup inortuineri allanneqarsimapput.

Akulliit atuarfianni nalunaarusiami atuartit-sissutaasut atuartitsissutaasullu imminnut qa-nitariissut tamarmik nalilersuiffigineqartartus-saapput ukuusut: kalaallit oqaasii, qallunaat oqaasii, tuluit oqaasii, inuiaqatigiilerineq, up-perisalerineq isumalioqqissaarnerlu, matema-tikki, pinngortitalerineq, inuttut inerikkiartor-neq aammalu sumiiffinni ataasiakkaani toqqa-gassat. Sumiiffinni ataasiakkaani toqqagassa-ni sammeneqartarput assassorneq ilusilersui-nerlu, eqqumiitsuliorneq illussanilu titartaa-neq, timersorneq silamilu inuuneq aammalu erinarsorneq, timip aalatinnera isiginnaartitsi-nerlu.

Kiisalu ilassutaasumik oqaaseqaatit aamma ilanngunneqartussaapput. Tassani ilinniartitsi-sut atuartup atuarfimmi sulineranik, inuttut inooqataanikkullu inerikkiartorneranik atuar-fimmilu inooqatigiinnermut peqataanera oqaaseqarfigisassavaat.

Atuarfiup angerlarsimaffiullu akornanni oqa-loqatigiinnerit atuartup iliuusissatut pilersaa-rusiai aallaavigalugit ingerlanneqartassapput, tassani atuartup ilinniartitsisuni peqatigalugit immersoreersimassavaat Ark 5a imaluunniit Ark 5b, tassani allaqqassallutik atuartup angu-niagassaai nutaat. Oqaloqatigiinnermi peqa-taasunit isumaqatigiissutigineqassaaq atsior-neqarlunilu iliuusissatut pilersaarusiortarnerup piffissamut tulliuuttumut piviusunngortinne-qarnissaanut.

Angajoqqaat atuartut atuarnerannik nalili-inermik annertunerusumik paasisaqarusukku-nik ilinniartitsisunut atuarfimmullu attaveqar-nissaminnut tamatigut tikilluaqquneqarput.



Atuartumut

Alloriarfinni tamani ilikkagassatut anguniagassaqarputit. Akulliit atuarianni 7. klassip naammassinerani ilikkareersimasassannik anguniagassaqarputit. Ark 1-mi anguniagassatit ilinniartitsisutit atuaqatitilluunniit peqatigalugit immersussavat.

Ark 3-mi ilinniartitsisup oqaaseqaasiornermi nalunaarusiornera ilinnut naapertuunnersoq eqqumaffigissavat.

Angajoqqaavit atuarfimmi oqaloqatigineqarnissaat sioqqullugu angajoqqaatit peqatigalugit Ark 4 immersorsinnaavat.

Ark 5a-mi imaluunniit Ark 5b-mi eqqaamasavat ilinniartitsisutit peqatigalugit iliuusisatut pilersaarudioqatigissavatit. Nammineq anguniagassatut nutaanik pilersaarusiatic angunissaannut qanorlu angusimaneranik nalilersuutit aqutissiuussisutut isigissavat. Angorusutatic assigiinngitsorpassuartigut angusinnaavatit, illillu kisivit nalunngilat suut pikkoriffigiumanerunerlugit.

Angusassatut pilersaarutivit nalilersorneri ilinniartitsisutit peqatigalugit angajoqqaavit atuarfimmi oqaloqatigineqarneranni saqqumiuttassavatit.

